



იმისთანა წმინდა საძმომი, ბოგბილ ბუქ-  
უბი სიფყვას, ცუდილებით და ჭიბრებით ბუბ-  
თის გაფანა ყულა უჯანისთბაჭე უსაბაგლსია.

გამოდის 1918 წლის  
25 ივლისიდან

# რესპუბლიკა

ორშაბათი-სამშაბათი, 17-18 მაისი. 2021 წ. №105-106 (9224-9225)

ელ.ფოსტა: sakresp@mail.ru და sakresp@top.ge

ფასი 1 ლარი

## ილია კეთილი გაიგარჯვებს, მეორე: არ უნდა შეგეზინდეთ!!!



ახალგაზრდებს მიაქციეთ ყურადღება, მათ სჭირდებათ სიტბო მშობლებისა, - ამის შე-  
სახებ ილია მეორემ სამების საკათედრო  
ტაძარში ქადაგებისას განაცხადა.

„ჩვენ ვცხოვრობთ რთულ დროს, როცა ძლი-  
ერდება ცოდვა, მაგრამ ამავე დროს ძლიერ-  
დება კეთილი საქმე და რწმენა. კეთილი გაი-  
მარჯვებს. არ უნდა შეგეზინდეთ. სიკეთემ უნ-  
და იმარჯვოს. ჯვარი გენეროთ. მე გლოცავთ  
თქვენს ოჯახებს, შვილებს. ახალგაზრდებს მი-  
აქციეთ ყურადღება, მათ სჭირდებათ სიტბო  
მშობლებისა“, - აღნიშნა პატრიარქმა.

## ბენიამინ ნეთანიიაჰუ მხარდაჭერისთვის მადლობას გვიხდის



ისრაელის პრემიერ-მინისტრი  
ბენიამინ ნეთანიიაჰუ ისრაელის მე-  
გობარ ქვეყნებს, მათ შორის საქარ-  
თველოს, მტკიცე მხარდაჭერისთ-  
ვის მადლობას უხდის.

„მადლობას გიხდით იმისთვის,  
რომ ისრაელის გვერდით მტკიცედ  
დგახართ და მხარს უჭერთ ჩვენს უფ-  
ლებას, თავი დავიცვათ ტერორისტული თავდასხმებისგან“, -  
დანერა ისრაელის პრემიერმა Twitter-ზე.

## შავ ზღვაში ნატო-რუსეთის დაპირისპირება გარდაუვალია!..



„სააკაშვილი -  
უკრაინაში  
რეფორმების  
მთავარი  
უბედურება“ ...

## დედაქალაქის დალოცვა!..

### სასულიერო პირები დღეს თბილისის ქუჩებს აკურთხებენ

2021 წლის 17 მაისს, სრუ-  
ლიად საქართველოს კათო-  
ლიკოს-პატრიარქ ილია II-ის  
ლოცვა-კურთხევით, 2018  
წელს დაწყებული ტრადიცი-  
ისამებრ, მოხდება დედაქალა-  
ქის დალოცვა, - ამის შესა-  
ხებ ინფორმაციას საქარ-  
თველოს საპატრიარქოს სა-

ზოგადოებასთან ურთიერ-  
ობის სამსახური ავრცე-  
ლებს.  
მათივე ცნობით, კორონა-  
ვირუსით გამოწვეული პანდე-  
მიის გამო წელს საყოველთაო  
მსვლელობა და ფართომასშ-  
ტაბიანი ღონისძიება არ გაი-  
მართება.

„დედაქალაქის ქუჩების  
კურთხევას უზრუნველყოფს  
ახალგაზრდული მოძრაობა  
„დავითიანი“.

ამ მიზნით, მოძღვრები  
დღეს, 11:00 საათზე, შეიკრიბე-  
ბიან ყოვლადწმინდა სამების  
საპატრიარქო ტაძარში და  
იკურთხება წყალი (მცირე  
აიაზმა); შემდეგ კი ისინი სუთი  
მიმართულებით გაემართები-  
ან, რათა აკურთხონ მოსახლე-  
ობა და ქუჩები.

## გურამ ქაშაყაშვილის კიდევ ერთი სამოქალაქო გმირობა...

გურამ ქაშაყაშვილის სამოქალაქო  
გმირობის თაობაზე ამას წინათ ვწერ-  
დი გურამთან ერთ-ერთ ინტერვიუში, რო-  
ცა მან რედაქციაში შემოიარა და სა-  
ჩუქრად დაგოვა ორ უზარმაზარ გომ-  
ში მოქცეული „სამთო-მეგალურბიული  
ენციკლოპედია“.

ენციკლოპედიების გამოცემის თვალ-  
საზრისით, ქართველები დიდად არა ვართ  
განებიერებულნი. რასაკვირველია, უწი-  
ნარესად დარგობრივ ენციკლოპედიებს  
ვგულისხმობ. ამიგომ ამ ამბავმა, ცხადია,  
დიდად გაგვახარა.

ამ ჭეშმარიტად დიდ ეროვნულ ქარ-  
თულ საქმეს, რომელსაც უმაღლესი შე-  
ფასება და რეცენზიები ახლავს საქარ-  
თველოს, რუსეთის და უკრაინის მეც-  
ნიერებათა აკადემიათა აკადემიკოსთა-  
გან, რა თქმა უნდა, ფართო საზოგა-  
დოებას შეფასებას შესაბამისი უნდო-  
და, რაც მე, როგორც ჟურნალისტს,  
მთლად არ ხელმეწიფებოდა. მე შემემლო  
მხოლოდ აღტაცება და აღფრთოვანე-  
ბა გამომეხატა და არა საფუძვლიანად  
შემეფასებინა სამთო-მეგალურბიული

### „სამთო-მეგალურბიული ენციკლოპედიის“ ორბოგაშვილის გამოცემის გამო


დარგი, რასაც უდიდესი მნიშვნელობა აქვს  
ქვეყნის ეკონომიკური სიცოცხლისთვის.  
არადა, ჩემი სისხარული მინდოდა, ფარ-  
თო საზოგადოებისთვისაც გამეზიარებინა.  
ამიგომ გადავწყვიტე, რომ ამ თვალსაზ-  
რისით ამ საკითხის ჩემზე ბევრად მცოდნე  
აღამიანთათვის მიმეზიარათა, როგორც იტყ-  
ვიან, კითხულ კაცთათვის, ჭკუის საკითხა-  
თათვის.

პირველი, ბუნებრივია, აკადემიკოსი  
როინ მეგრეველი წარმომაგონდა, საქარ-  
თველოს მეცნიერებათა ეროვნული აკა-  
დემიის ვიცე-პრეზიდენტი, ერთ-ერთი ფრიად  
გამოცდილი ენციკლოპედისტი, რომელმაც  
ცხოვრებულ ირაკლი აბაშიძესთან ერთად  
პირველ ქართულ ენციკლოპედიას ურე-  
დაქტორა, თორმეტგომეულს.

„სამთო-მეგალურბიული ენციკლოპე-  
დია, რომლის სამეცნიერო საბჭოს თავ-  
მჯდომარეა ჩვენი ეროვნული აკადემიის

პრეზიდენტი, აკადემიკოსი გიორგი კვე-  
სიგაძე, ხოლო მთავარი რედაქტორი და  
გამომცემელი პროფესორი გურამ ქაშა-  
ყაშვილი, ჭეშმარიტად უბაღლო ისტორი-  
ული გამოცემაა, - ამბობს ბაკონი როი-  
ნი, - რადგან გერმინებთან ერთად ორ-  
ტომეულში მოცემულია, სამთავრობო არ-  
ქივის საქართველოს ენციკლოპედიის ის-  
ტორიულ მასალებზე დაყრდნობით, რუს-  
თავის მეგალურბიული ქარხნის როლი, ქი-  
მიური, ნახშირების მრეწველობის, სხვა  
დარგების და მეცნიერებათა აკადემიის  
დარგობრივი კვლევითი ინსტიტუტების და-  
ფუძნება-განვითარების, საქართველოს ინ-  
დუსტრიალიზაციის განხორციელებით შექ-  
მნილი დიდი ეროვნული განძის სიკეთე“.

მერე ახლა ვინ, ვინ და ამ დარგში ფრი-  
ად ჩახედული, ბიოგრაფიული ენციკლო-  
პედიის - „საქართველოს ენერგეტიკოსე-  
ბის“ მთავარი რედაქტორი, საქართველოს



ენერგეტიკის პირველი მინისტრი, გექ-  
ნიკის მეცნიერებათა დოქტორი, პრო-  
ფესორი, საქართველოს დამსახურებული  
ენერგეტიკოსი რამზარ არშვალაძე შევა-  
წუხე. ვინც ამ აღამიანის ბიოგრაფიას  
იყნობს, შეუძლებელია, რომ მაღლიე-  
რი არ დარჩეს იმ თვალსაჩინო ღვაწ-  
ლით, რაც მას პირნათელს ხდის ქვეყ-  
ნის წინაშე.

ჰოდა, „სამთო-მეგალურბიული ენ-  
ციკლოპედიის“ საგამეთო შეფასებისთვის  
მივაღექი თავისი დამსახურებით ქვეყნის  
წინაშე ამ პირნათელ აღამიანს.

















### უკრაინა და სპარტოპოლი - ნატოს „გლობალური პარტნიორობა“?

მმართველი აზრით, პუტინი, სანამ ის ხელისუფლებაშია, არ მისცემს უკრაინელებსა და ქართველებს შესაძლებლობას, საკუთარი გზით იარონ და ნატოში შევიდნენ. არადა, იგი კრემლში დარჩენას 2036 წლამდე გეგმავს. „ქნელად წარმოვიდგინოთ, ამ წინასწარმატებაში კივესა და თბილისში უბრალოდ ისხდნენ და თანხები ელოდნენ მორიგ „მედვედევისეულ რე მისიას“, მით უფრო, რომ ის შესაძლოა, ალაც განმეორდეს. რაც მეტად ჩაბარდება ისტორიას სსრკ, მით მეტად გააცნობიერებენ ქართველები და უკრაინელები თავის ერთგულ ინტერესებს, როგორც მოსკოვის ინტერესებისგან განსხვავებულს და მით უფრო მძლავრად დაიწყებენ ალიანსის კარზე კაკუსს“ - დარწმუნებულია სტატისის ავტორი.

როგორც ეგერტი აღნიშნავს, რა თქმა უნდა, შე-საძლებელია, უკრაინასა და საქართველოს „გლობალური პარტნიორობის“ სტატუსი მიენიჭოს - იმის მსგავსი, როგორც გააჩნიათ სამხრეთ კორეას, იორდანას, ავსტრალიას, მაგრამ ეს დროებითი გადაწყვეტილებაა, თანაც, საქმე სამეზობლოშია, მასაც შეუძლია, კრემლის მოქმედების პროვოცირება.

### ოქოს უანი ნატოსთვის

ამტორის შეფასებით, ერთის მხრივ - კივეი (და ოდნავ ნაკლები ხარისხით თბილისი), ხოლო მეორეს მხრივ მოსკოვი უცილობლად უახლოვდება მომავლისთვის ბრძოლის ახალ რაუნდს და ადვილად შესაძლებელია, პუტინი, რომელსაც თავისი არაპროგნოზირებადობით მოაქვს თავი, წავიდეს „პრევენციულ დარტყმაზე“ - სანამ (მისი ხედვით) გვიან არ არის“.

ამასთან, ეგერტის ხედვით, უკრაინის შეიარაღებული ძალების ბრძოლისუნარიანობის მნიშვნელოვანი ზრდის გათვალისწინებით, რუსეთთან მისი დაპირისპირების ახალი რაუნდი შესაძლოა, შავი ზღვის რეგიონში დიდ ევროპულ ომში გადაიზარდოს. „გაღრმავებული თანამშრომლობის ამდენი წლის შემდეგ უკრაინის შესაძლო მარცხი ჩრდილოატლანტიკური ალიანსის მარცხადაც წარმოჩნდება - ზუსტად ისევე, როგორც აზერბაიჯანთან გასული წლის ომში სომხეთის მარცხი წარმოჩნდა მისი მთავარი მოკავშირისა და დამცველის - რუსეთის მარცხად“ - აღნიშნავს ანალიტიკოსი. მისივე პროგნოზით, „შესაძლო ომი მსოფლიო ბაზრებს დაარტყამს, მოარყევს ნატოს სამხრეთ ფლანგის ისედაც შერყეულ სტაბილურობას და, რაც მთავარია, პოლიტიკურად გახლეჩის და ფაქტობრივად შეესუსტებს ალიანსს, რომელიც „ბუქარესტის ცხრიანი“ უკვე წლებია, განკარგვის ზარს რეკს, სხვა მოკავშირეები კი თავს იკავებენ, თითქოს მიმდინარე მოვლენები მათ მხოლოდ ირიბად ეხებოდეთ“.

„სწორედ ასეთი შედეგი იქცევა კრემლისთვის მთავარ ნადავლად“ - თვლის ეგერტი.



### ისრაელის განსხვავებით, კაბასი AL JAZEERA-სა და ASSOCIATED PRESS-ის ოპისებს სომხლ უარად იყენებდა

ისრაელის შეიარაღებული ძალების განცხადებით, ლაზას სექტორში მრავალსართულიან შენობას, რომელიც დაიბომბა, შამასი სახედრო მიზნებისთვის იყენებდა.

ისრაელის განცხადებით, ამ შენობაში განლაგებული იყო ტერორისტული ორგანიზაციის სადაზვერუო სამსახურების ოფისები.

„შენობაში განლაგებული იყო მედიის ოფისები, რომლებსაც ტერორისტები ცოცხალ ფარად იყენებენ. შამასის მიერ ლაზას სექტორში, მჭიდროდდასახლებულ სამოქალაქო რაიონებში მიზანმიმართულად არის განთავსებული სამხედრო ობიექტები“, - აცხადებენ ისრაელის თავდაცვის ძალები.

გუშინ ლაზაში ისრაელმა 15-სართულიანი შენობა დაბომბა, სადაც განთავსებული იყო საერთაშორისო მედიის ოფისები.

მანამდე, ისრაელმა გააფრთხილა, რომ უახლოეს საათებში მისი თავდაცვის ძალები დაარტყამდნენ შენობას, სადაც განლაგებულია ტელეარხ Al-Jazeera-ს, სააგენტო Associated Press-სა და სხვა საერთაშორისო მედიასაშუალებების ოფისები.

Al-Jazeera-ს და Associated Press-ის ინფორმაციით, გაფრთხილების მიღების შემდეგ თანამშრომლებმა და სახლში მცხოვრებმა მოქალაქეებმა შენობა დაუყოვნებლივ დატოვეს.



## წიგნი რაბლეურ მართლ-მსაჯულებაზე

„შეიცანით ჭეშმარიტება, და ჭეშმარიტება გაგნდით თავისუფალს.“ (ოიანეს კალაგაბა)

„მართლმსაჯულების ხელშეწყობა...“ ჩემი საყვარელი „ნამუშევრია“, და ის ჩემთვის თავისი შინაგანი არსით რაღაც ცაცილებით მეტია, ვიდრე კვლევა, რამდენადაც ბავშვობიდან მოყოლებული, გურამ გოგიაშვილის წყალობით, ფრანსუა რაბლეს „ეგარგანტუა და პანტაგრუელი“ მთელი პასაჟები და ოსუნჯობანი ჩამეხმოდა, რომლებიც ნაირგვარ სადღერძელოებად მორაკრავებდა ჩემ თვალწინ... შემდეგ ამ ყველაფრის ნიგნად გადაქცევის იდეა მომიწონა და ნამახალისა ბატონ მინდია უგრეხელიძის შეფასებამ, რომელმაც თავად ჩაუყარა საფუძველი, როგორც აღნიშნავს სამართალთან ლიტერატურული პარალელების, პარა-დოგმებისა და პარა-დოქტრინის კვლევას. ასევე არ შემიძლია მადლიერების გრძობით არ გავიხსენო ჩემი კიდევ ერთი პედაგოგი სერგო ჯორბენაძე, რომლის ლექციების წაკითხვის მანერამაც და ფართო თვალსაზრისით ნარუნული შთაბეჭდილება მოახდინა ჩემზე. დანარჩენი კი თუ რა გამოვიდა ამ სამართლებრივ-ლიტერატურული ფილოსოფიური ნაზავით თავადაც შეგიძლიათ დააგვიფიქროთ“.

„დააგვიფიქროთ“, ასე ასრულებს ამ შესანიშნავი წიგნის ავტორი საქართველოს დავით აღმაშენებლის სახელობის უნივერსიტეტის პროფესორი, სამართლის დოქტორი, კონსტიტუციონისტი და მოსამართლე გიორგი გომიაშვილი. წიგნის სრული სახელწოდებაა „მართლმსაჯულების ხელშეწყობა მეტრ ფრანსუა რაბლესი“. როდესაც იურისპრუდენციით არა ხარ დაინტერესებული და ეს მეტად რთული, საპასუხისმგებლო და უძველესი მეცნიერება შენი პროფესია არ არის, მაშინ როდესაც ამგვარ, ავტორისეულ საჩუქარს გადაიკითხავ, ეს მჩუქებლისთვის დიდი პატივისცემის გამოხატულებაა, მაგრამ, როცა „დააგვიფიქროთ“ და შემდეგ კიდევ რამდენჯერმე დაგჭირდება თავისი უბრალოებითა და არაპროფესიონალითვის მეტად გასაგები და კარგი ქართულით დანეროული წიგნის გადაკითხვა, ეს ავტორის დიდ პროფესიონალიზმზე მეტყველებს და ამგვარი წიგნები უამრავი საყურადღებო ფაქტებითა და საუკუნეების სიგრძეზე ამ სფეროში მოღვაწე ტიტანთა ნააზრვის გამომომბობი გაჯერებული უკვე სამაგიდო წიგნებად ითვლება.



„მართლმსაჯულების ხელშეწყობა...“ იმითაა საგულისყურო და ყველასთვის გასაგებიც, რომ ბატონი გიორგი იმ უდიდესი რენესანსული ეპოქის წარმომადგენლის, უკვადავი „გარგანტუა და პანტაგრუელი“ ავტორის ფრანსუა რაბლეს ნააზრევსა და ფილოსოფიას მიმოიხილავს თანამედროვე იურისპრუდენციის თვალსაზრისით, რადგან კარგა ხანია საფრანგეთში გამოცემული ნაშრომი „ფრანსუა რაბლეს დროინდელი იურისპრუდენცია“ ამ სფეროს წარმომადგენელთათვის სამაგიდო წიგნად იქცეულია.

ავტორმა თავისი წერის მანერით, ხელგეხმობისა და ლიტერატურის უსაზღვრო სიყვარულის წყალობით (იგი სახელმწიფოს მოწყობისა და კონსტიტუციების

თავისებურებების შესახებ გამოცემული შესანიშნავი წიგნების ავტორიც გახლავთ) შეძლო ისეთი უდიდესი მსოფლიო ქმნილების, რომლის წაკითხვა-გააზრება მხოლოდ სვენებ-სვენებით შეიძლება (ქართული „გარგანტუასა და პანტაგრუელის“ შესანიშნავად მკაფიო ენებზე, გურამ გოგიაშვილს თუ დავესესებებით, რომელმაც ქართველი მკითხველისთვის თითქმის 30 წელი იღვანა, რათა უდიდესი ფრანგი მწერლის ნაწარმოები ქართულად აემეტყველებინა უმდიდრესი ლექსიკით, თანამედროვე სამართლის კანონებით წარმოჩინება, რომელიც ერთი სულის ამოთქმით იკითხება, მაგრამ... დიდი პროფესიონალიზმი სწორედ ამ „მაგრამაა“, ისევე ბევრჯერ რომ მიგაბრუნებს წიგნისკენ, თანამედროვე სამართლის კანონებით დაგანახებს, თითქმის ხუთი საუკუნის წინანდელ საფრანგეთს, გინდაც ვეროპას, მსოფლიოს მაშინდელ ქიპს, თავისი უცნაურობებით, კანონის სიმკაცრითა და ამავე დროს არადჩაგდებით, ლექსის ნაბადივით გათელილსა და უზრუნველ დაინასტისი სიძლიერის მანტიამოსხმულს, უფრო მეტად რელიგიური დოგმებით შემოჭილს. სწორედ ამ „სამართლის“ გაქიციება, თავისი ღრმად განსწავლულობითა და მსოფლმხედველობით შეძლო იმ ეპოქაში, ადვოკატის ოჯახში დაბადებულმა ფრანსუა რაბლემ, შეძლო მსოფლიოსთვის დაუნახებინა (ღრმად მწამს, რომ თავადაც კარგად უწყობდა, არამარტო მაშინდელი მსოფლიოსთვის, არამედ ათეულობით საუკუნეების შემდგომი მსოფლიოსთვისაც) უსუსურობა სახელმწიფოებრივი მეცნიერებისა, რადგან იდეა, რისგანაც სულდგმულობს მეცნიერება სახელმწიფოს შესახებ, მაშინდელი, შუასაუკუნეების საფრანგეთს და არამარტო ამ უძლიერეს ქვეყანას, არ გააჩნდა.

როგორ დავინახავდით მაშინდელი სახელმწიფოს მოწყობის გაბატონებულ თეორიას, ახლა, 21-ე საუკუნის კანონებითა და იურისპრუდენციით? სწორედ ამაზეა ეს წიგნი.

ნაშრომის მეტად საყურადღებო ხდის ქართული პარალელებიც „გაბრიელ ებსკოპოსი მართლმსაჯულებისა და ქრისტიანობის კავშირის შესახებ“, „რელიგიური ფიცის მნიშვნელობა მართლმსაჯულებაში“ (ცრუმონშეობა სისხლის სამართალში; როგორ მიიღწევა ჭეშმარიტება სიცრუის მეშვეობით); „სასამართლო - ხელისუფლების მესამე შტო“, „მართლმსაჯულების სახალხე, მისი მეშვედრენი და მათი ზენჩეულებანი“. გარდა ამისა და მრავალი ქვეთავი თუ შემაღენელი თავი ამ წიგნისა, რომელიც გაჯერებულია ამონარიდებით რაბლეს ქმნილებიდან. საგულისყუროა რაბლეს „მართლმსაჯულების ფილოსოფიის“ სრულად წარმოსახვისთვის პარალელები რაბლემდე და მის შემდგომდროინდელი ნაწარმოებებიდან, ზღაპრებიდან, თქმულებებიდან, ლეგენდებიდან და თავად „ბიბლიიდან“.

გიორგი გოგიაშვილის ეს შესანიშნავი წიგნი მართლად დიდი საჩუქარია იურისპრუდენციით დაგულისყურებულითათვის, სტუდენტებისა და იმ მკითხველისთვის, ყველასთვის, ვისაც უკვადავი „გარგანტუა და პანტაგრუელი“ ცხოვრების საგზადად გაუხდია.

**მამუკა ვაშაძე**

### უნიკალური მასონატი გემოვნით უნდა იყოს

**თეა წულუკიანმა** მორიგი შეხვედრა გიორგი ლეონიძის სახელობის ქართული ლიტერატურის სახელმწიფო მუზეუმში გამართა.

უწყების ცნობით, თეა წულუკიანმა დაათვალიერა მუზეუმის შენობა, რომელიც მეზობლად მიმდინარე მრავალსართულიანი კორპუსის მშენებლობის გამო მძიმე მდგომარეობაშია.

ამასთან, მინისტრი გაეცნო მუზეუმის ფონდში დაცული უნიკალური მასალების (ხელნაწერები, ფოტოები, მემორიალური ნივთები) მიხედვით გამოცემულ წიგნებს. თეა წულუკიანმა მუზეუმს პრობლემების მოგვარებაში მხარდაჭერა აღუთქვა.

„პირველ რიგში, სწორედ ინფრასტრუქტურის გამოსწორებაზე უნდა ვიზრუნოთ იმისათვის, რომ ის უნიკალური ფონდები, ხელნაწერი იქნება ეს, ფოტო თუ სხვა მასალა, რომელსაც ეს მუზეუმი მრავალი წელია უვლის და ინახავს, იყოს გამოფენილი, იყოს ხელმისაწვდომი და ჰქონდეს ამას არა მხოლოდ სამუზეუმო, არამედ საგანმანათლებლო დანიშნულება. ინფრასტრუქტურის გაუმართაობის მიუხედავად, ჩვენ შევთანხმდით, რომ ვიმუშავეთ ბიუჯეტის გადასინჯვაზე იმისათვის, რომ უფრო მეტი ახალი ექსპონატი შევიდეს მუზეუმში. ასევე, მოხდეს იმ ექსპონატების სრულფასოვანი კვლევა, რომლებიც უკვე არის დაცული ფონდებში, რათა უფრო მეტი გამოცემა შევიძინოთ ქართულ წიგნის ბაზარს, ვინაიდან, ამ კვლევებს აქვს ძალიან დიდი მნიშვნელობა იმისათვის, რომ მომავალში გვყავდეს განათლებული თაობები“, - აღნიშნა თეა წულუკიანმა.

სუპერლიგა



ზღვის მოქცევა მაღლივისკენ

სიმატილე გიორგი, თსუ-ს მაღლივი კორპუსისკენ გულმა უფრო ევრობასკეცისთვის მშენებარე მულტიფუნქციური სპორტის სასახლისთვის თვალის შესაფერად გამოიწია. უკვე მერამდენედ, დავრწმუნდი, რომ „საბა კონსტრაქციონი“ შესაშური პასუხისმგებლობით ეკიდება საშვილიშვილო საქმეს და მალე ჩვენი ქვეყნის დედაქალაქს საამაყო უნივერსალური ობიექტი დაამშვენებს. რაც შეეხება სუპერლიგის სასტარტო პლეი-ოფს თბილისის „დინამოსა“ და „ცხუმ-აფხაზეთს“ შორის, რატომღაც მეგონა, რომ ტურნირის ფავორიტი „ქუთაისთან“ მეოთხედწინააღმდეგობრივ გამარჯვება მუჰამედ ტაჩის გუნდზე ფსიქოლოგიურ დოპინგად იმოქმედებდა და ინერციით კიდევ ერთი მეტოქის დასამარცხებლად იკმარებდა, მაგრამ, საბედნიეროდ, შევცდი, რაც, უპირველესად, ზღვისპირელთა თავკაცის ნიკო ჩერქეზიშვილის დამ-

სახურებაა, რომელმაც, ისევე როგორც „ვიტას“ კაპიტნობისას, სათადარიგოთა სკამის გავლით სარბიელზე ცეცხლი დაანთო და შეგირდებს უიმედოდ დაწყებული მატჩი მოაგებინა. „ცხუმ-აფხაზეთი“ - „დინამო“ 89:82 (1:0)

ბულაშვილმა (28 ქულა), უილიამსმა, ედვარდსმა, თავაქარაშვილმა და დარბაიძემ კარგანხით გამოუწერეს დევნილებს მდევრის როლში ყოფნა, მაგრამ მას შემდეგ, რაც მასპინძელთა ლიდერები დაილაშქრნენ და პერსონალური შენიშვნები მოუმრავლდათ, მაკფოლმა, გრინმა, ფევაქემ, ჯონსონმა და შარაბიძემ აიწყვიტეს, რაც სერიაში დასაწინაურებლად ამჯერად საკმარისი აღმოჩნდა.

აღნიშნული წყვილის მეორე შეხვედრა ოლიმპიურ დარბაზში დღეს გაიმართება ისევე, როგორც „კაქტუსისა“ და „რუსთავის“ მეორე ბრძოლა. პირველი თამაში რუსთაველებმა შინ 89:77 მოიგეს.

საიუბილეოდ

ისოლით, რიგ...

წინასაშობაო დღეებში გულით გავიხარეთ, როცა დაარსების 30 წლისთავთან დაკავშირებით მონატრებულ გაზეთ „სარბიელის“ 3521-ე სპეცნომერი დაიბეჭდა.

მაშინ ვისურვეთ, რომ ეს ერთჯერადი გამონათება არ ყოფილიყო და ჩვენ ძვირფას კოლეგებს ერთგულ მკითხველთათვის სიურპრიზები არც მომავალში მოეკლოთ.

თურმე, რა საჩუქარი გველოდა წინ: გავიდა რამდენიმე თვე და გულშემატივიარმა იხილა ქართული სპორტის მემატიანისა და საფეხბურთო კლუბ „დინამო“ თბილისის ერთობლივი პროექტის კიდევ ერთი - უკვე 3522-ე სპეცნომერი, მიღწევილი დიუსელდორფის ტრიუმფის მე-40 წლისთავისადმი და რაღაც გასაკვირია, რომ ავტორებმა სათქმელი სწორედ 40 გვერდში ჩატიეს.

იმ ბედნიერ ქომაგებს, ვინც აღნიშნული გამოცემის შექმნას მოახერხებს, ინტერესი რომ არ ჩაუვუკლათ, მხოლოდ რამდენიმე „შპარგალკას“

სარბიელი... დინამო... თბილისი... ავტორი: სპორტული პრესა

შევთავაზებთ, დანარჩენს კი, დარწმუნებულნი ვართ, ერთი ამოსუნთქვით „დალეჭავენ“: იცოდით, რომ შვეიცარიის ქალაქ ციურხინში გამართული წილისყრის შედეგად ნოდარ ახალკაცის გუნდს ისტორიულ სეზონში უფასო თასზე უნდა ეთამაშა და მისი პირველი მეტოქე ტურნირის მოქმედი გამარჯვებული ფრანკფურტის „ინტერატი“ უნდა ყოფილიყო? იცოდით, რომ ავსტრიელი მსაჯი ფრანც ვიორერი, რომელმაც ულვით გაგვწირა და „ფეიენოორდთან“ საპასუხო მატჩი კინაღამ ვატერლოოდ გვიქცია, 1973 წელს „ტოტენჰემთან“ (1:1), ხოლო 1977 წელს „ინტერთან“ (1:0) გადატანილ ბრძოლებშიც ასრულებდა თემილის მსახურის ფუნქციას? იცოდით, რომ ნოდარ ახალკაცის თხოვნით იმ წლებში იენის უნივერსიტეტის სტუდენტი დავით კაკაბაძე მტრის ზურგში შეგზავნილი მწვერავის ამპლუაში მოგვევლინა და ფარსადანოვიჩს შესაძლო მეტოქის შესახებ შეუფასებელი ინფორმაციებით ამარაგებდა? და ბოლოს - იცოდით, რომ გერმანიიდან საპატიო ნადავლით დაბრუნებულ „ლომკაცებს“ თანამემამულეებმა ღირსეული დახვედრა ჯერ მოსკოვის „მერემეტივოს“ აეროპორტში მოუწყვეს?

ოქაანის გაცემა

ცხელი ყინული

მარათონული რეგულარული სეზონის შემდეგ გაიკვამა ჰოკეის ეროვნული ლიგის (NHL) პლეი-ოფების მონაწილეთა ვინაობა, რომლებიც სტენლის თასისათვის გააგრძელებენ ბრძოლას. ესენია:

ჩრდილოეთის დივიზიონი - „ტორონტო“, „ედმონტონი“, „ვინიპეგი“, „მონრეალი“;

ცენტრალური დივიზიონი - „კაროლინა“, „ფლორიდა“, „ტამპა ბეი“, „ნეშვილი“;

აღმოსავლეთის დივიზიონი - „პიტსბურგი“, „ვაშინგტონი“, „ბოსტონი“, „აილენდერსი“;

დასავლეთის დივიზიონი - „ვეგასი“, „კოლორადო“, „მინესოტა“, „სენტ ლუისი“.

მერვედფინალები გუშინ „ვაშინგტონმა“ და „ბოსტონმა“ გახსნეს - (3:2), დანარჩენი მეტოქენი კი ასე დაწყვილდნენ:

„კაროლინა“ - „ნეშვილი“, „ფლორიდა“ - „ტამპა ბეი“,

„პიტსბურგი“ - „აილენდერსი“, „ტორონტო“ - „მონრეალი“, „ედმონტონი“ - „ვინიპეგი“, „ვეგასი“ - „სენტ ლუისი“, „კოლორადო“ - „მინესოტა“.



64

რჩეული ეპიზოდები და პარტიები




ბრძოლა, ეპიზოდი - აი. რამეზანი და ა.ალიმოვი

სამეურნეო რამეზანი (1911-1992)

ამერიკელი მოჭადრაკე, მსოფლიო პირველობის ერთ-ერთი პრეტენდენტი 1930-50 წლების დასაწყისში, საერთაშორისო დიდოსტატი (1950), საჭადრაკო ლიტერატორი. 5 წლის ასაკიდან ითვლებოდა საჭადრაკის ვუნდერკინდად. უკვე 8 წლისა ატარებდა ერთდროული თამაშის სეანსებს ბერლინში, ვენაში, ლონდონსა და ევროპის სხვა ქალაქებში. წარმატებით გამოდიოდა მსოფლიოს მრავალ ქვეყანაში.

I ა. ალიმოვი - ს. რამეზანი (ნოტიჰეიმ, 1936)




მოგება

1961 წელს ერთმანეთს დაუპირისპირდა ამერიკის ორი უძლიერესი მოჭადრაკე - სამეურნე რამეზანი და ახალგაზრდა ამომავალი ვარსკვლავი რობერტ ფიშერი. 2 ნაგებისა და 7 ყაიმის შემდეგ რამეზანი შეწყვიტა წინააღმდეგობა და აღარ გააგრძელა მატჩი. იგი ამბობდა - მე მირჩევნია მე-19-ე ადგილზე გავიდე, თუ ფიშერი მე-20-ზე იქნებაო.



II ვ. რამეზანი „შახმატი ვ სსსრ“, 1952 წ.



ყაიმი

პირადი ჩამოინახების მუდმივი ფინალისტი

პიტალი ჩხევერი (1908-1965)

საკავშირო საჭადრაკო სკოლის თვალსაჩინო წარმომადგენელი, თეორეტიკოსი, საერთაშორისო ოსტატი (1950) პრაქტიკულ თამაშში, საერთაშორისო არბიტრი (1956) კომპოზიცი-აში, მრავალი წიგნის ავტორი, მუსიკოსი ფორტეპიანოს განხრით. შედგენილი აქვს 100-ზე მეტი ეტიუდი, მრავალი მათგანი აღინიშნა პრიზებით.

საკომპოზიციო ხელოვნების პირად ჩემპიონატებში (1947-65) იყო შვიდგზის მუდმივი ფინალისტი. 1956 წელს წააგო მატჩი თბილისელ პენრის კასპარიანთან (7,5:9,5).

მომამბადა თაბაზა შინგალია

სუთი რგოლი

ოლიმპიადის სტარტამდე ორ თვეზე ცოტა მეტია დარჩენილი, იაპონიის მოსახლეობის უმეტესობა კი, გაზეთ „იომიური სიმბუნის“ ამასწინანდელი გამოკითხვის შედეგების თანახმად, თამაშების გაუქმების მომხრეა. მიზეზი ბანალურია - კოვიდი.

კერძოდ, ფორუმის ჩატარების წინააღმდეგია რესპოდენტა 59 პროცენტი, ხოლო მათგან, ვინც მხარდამტყერია, 23 პროცენტი მიიჩნევს, რომ შეჯიბრებები უმჯობესად უნდა გაიმართოს.

ხალხის ხმა

რაც შეეხება ცალკეულ პრეფექტურებს, ტოკიოში, ოსაკაში, კიოტოსა და ჰიოგოში, სადაც საგანგებო რეჟიმი მოქმედებს, ვითარება კიდევ უფრო უარყოფითია - 64 პროცენტი ისევე, როგორც ოიტასა და ფუკუოკაში, სადაც შეზღუდვები 12 მაისს შემოიღეს, დანარჩენ 41 პრეფექტურაში კი ეს მაჩვენებელი საშუალოდ 57 პროცენტი.



I. 54...ქბ4 55.ქვე2 ბა2 56.პბ2ბ4 57.ფეხ3 58.ქვ1პ:ე5 59.ქგ2ქვ4 60.ი4ქბ3 61.პა5ქბ2+, 0:1
II. ქე6ქე5 2.ქქ4+ქქ3 3.ქბ3ქბ5 4.ქქ1+ქვე2 5.ქგ2ქვ5 6.ქქ4+ქქ3 7.ქქ3! ქი5 8.ქგ1+ქვე2 9.ქე6ქე5
10.ქქ4+ქქ3 11.ქბ3 წინსუნყვარელი თავდასხმით ხან ეტლზე, ხან ჭეჭულ თეთრებს მოგებს ნოტუვან

შენიშვნა: I. თურმე გენიალური მოჭადრაკეც აგებს პარტიას. II. განუწყვეტელი თავდასხმები ხან ეტლზე, ხან მეფეზე თეთრების მოგებას ბლოკავენ.



ლიტერატურის მუზეუმის გაბზარული კედელი

მუზეუმში ნახევრად დაზარალებული შენობაა ვი!

# ნაპრალებში კულტურაში

ლიტერატურის მუზეუმის გაბზარული კედლები და ჩამონგრეული ქერი; ხალხური საკრავების მუზეუმის გამსკდარი იატაკი – კულტურის, სპორტისა და ახალგაზრდობის მინისტრი თეა წულუკიანი სხვადასხვა კულტურულ ინსტიტუტის ეცნობა და შეხვედრების შემდეგ ავარიული შენობების ფოტოებს სამინისტროს ოფიციალურ გვერდზე ათავსებს.

„პირველ რიგში, სწორედ ინფრასტრუქტურის გამოსწორებაზე უნდა ვიზრუნოთ იმისათვის, რომ ის თუნიკალური ფონდები, ხელნაწერი იქნება ეს, ფოტოთუ სხვა მასალა, რომელსაც ეს მუზეუმი მრავალი წელიწადის უფლის და ინახავს, იყოს გამოფენილი, იყოს ხელმისაწვდომი და ჰქონდეს ამას არა მხოლოდ სამუზეუმო, არამედ საგანმანათლებლო დანიშნულება“, – თქვა მინისტრმა წულუკიანმა ლიტერატურის მუზეუმში სტუმრობის შემდეგ და დაამატა, რომ ბიუჯეტის გადასინჯვაზე იფიქრებს. ლიტერატურის მუზეუმის შენობის მძიმე მდგომარეობაზე დიდი ხანია საუბრობს მუზეუმის დირექტორი ლაშა ბაქრაძე.



შალვა მირიანაშვილის ხალკოვების მუზეუმის ფასალი და შიდა კედელი

ქველ შენობაზე ბზარები კიდევ უფრო გაფართოვდა, რაც მუზეუმის მახლობლად მრავალსართულიანი ნაგებობის მშენებლობა დაიწყო. მუზეუმიდან რამდენიმე მეტრში, ქანტურისა და თაბუკაშვილის ქუჩების კვეთაზე სასტუმრო „თორის“ ადგილას 14-სართულიანი სასტუმრო შენდება, რომელიც „რედისონის“ ქსელის ნაწილი იქნება. კიდევ ერთი მუზეუმი, სადაც მინისტრს კედლებზე ნაპრალები და დაზარალებული იატაკი დახვდა, ხალხური საკრავების მუზეუმი.

„ხალხური და გამოყენებითი ხელოვნებისა და ხალხური საკრავების მუზეუმები 2019 წელს საქართველოს თეატრის, მუსიკის, კინოსა და ქორეოგრაფიის სახელმწიფო მუზეუმის სტრუქტურული ერთეულები გახდნენ და ორივე მუზეუმს აქვს როგორც შენობის, ასევე საცავების მნიშვნელოვანი პრობლემა“, – ვკითხულობთ სამინისტროს მიერ გავრცელებულ ინფორმაციაში. ხალხური სიმღერისა და საკრავების მუზეუმში 2019 წელს კულტურის სამინისტრომ მის დირექტორთან კონსულტაციის გარეშე შეუერთდა საქართველოს თეატრის, მუსიკის, კინოსა და ქორეოგრაფიის მუზეუმს – ხალხური საკრავების მუზეუმის მდგომარეობა ამ გაერთიანების შემდეგ არ გაუმჯობესებულა.

ერთადერთი მუზეუმი, რომლის დაზიანებული შენობის განახლება დაიწყო, ხელოვნების მუზეუმი, რომელიც 2017 წლიდან დასრულებულია დამთავრებული სივრცისთვის. ხელოვნების მუზეუმის შენობის აღსადგენად უკვე გამოცხადდა ტენდერი, რომლის მიზანიც კვლევის და საპროექტო დოკუმენტაციის შესყიდვაა. სახელმწიფო ამ დოკუმენტაციაში, რომელიც 5 თვეში უკვე მზად უნდა იყოს, 170 000 ლარს იხდის.



გზარები ხალხური საკრავების მუზეუმში

კვლევებმა და პროექტმა უნდა აჩვენონ, რამდენად მოხერხდება მეცხრამეტე საუკუნეში აგებული მუზეუმის შენობის აღდგენა და რა დაჯდება ეს პროცესი. ხელოვნების მუზეუმის შენობის რღვევა წლების წინ დაიწყო. 2018 წელს უკვე დოკუმენტურად იყო აღრიცხული შენობის ყველა ნაპრალი, არსებობდა ექსპერტიზის დასკვნა, სადაც შენობის დაზიანებები მესამე კატეგორიის სიმძიმის დაზიანებებად იყო შეფასებული.

„გასულ წლებში განხორციელებული მონიტორინგის მიუხედავად, ვიზუალური შესწავლით ფიზიკურად ვერ ხერხდება განვითარებული დეფორმაციების კონკრეტული სიდიდების დაზუსტება. სააგენტოს სპეციალისტების შეფასებით, შენობაში წარმოქმნილი დეფორმაციული სურათი თვალნათლივ პროგრესულად ვითარდება“, – ნათქვამია კულტურული მემკვიდრეობის დაცვის სააგენტოს სპეციალისტების დასკვნაში, რომელიც 2021 წლის გაზაფხულზე ჩატარებული კვლევის შედეგად შეიქმნა. დასკვნა ერთგვარადიანია და მას სამი სპეციალისტი აწერს ხელს.

მუზეუმების შენობებს და სახელოვნებო ინსტიტუტებს პრობლემები აქვთ არა მხოლოდ სიძველისა და მოუვლელობის, არამედ ცუდად ჩატარებული სარეაბილიტაციო ან სამშენებლო სამუშაოების გამოც. მაგალითად:

- თელავის ისტორიული მუზეუმის საცავში რამდენიმეწლიანი რემონტის და რეკონსტრუქციაში დასარჯული 14 მილიონი ლარის შემდეგ, 2018 წელს საცავში წყალმა გაჟონა და ექსპონატები დააზიანა.
- ქუთაისში, ხარაზოვის ბაღში მდებარე ყოფილი ნიღბების თეატრის შენობის 4-წლიანი რემონტის შემდეგ რომ ისე განახლდა, სახურავიდან წყალი ჩადიოდა და ვენტილაციის სისტემა არ უმუშაევდა. ამ შენობის განახლებაში 2014 წელს სახელმწიფომ 555 000 ლარი დახარჯა.

ზოგიერთი მუზეუმი მხოლოდ ახალი შენობების აშენების დაპირების იმედადაა და ეს დაპირებები „მემკვიდრეობით გადაცემით“ ხელიშეწყობის ახალ-ახალ წვერებს. მაგალითად ონის მუზეუმისთვის ახალი შენობის აშენების პრობლემა 2016 წელს დდადო ბიძინა ივანიშვილმა, 2019 წელს პრემიერ-მინისტრმა მამუკა ბახტაძემ, 2021 წლის 13 მაისს ინფრასტრუქტურის სამინისტრომ თქვა, რომ წლის ბოლოს ეს პროექტი აუცილებლად დასრულდება. 1952 წელს აშენებული ონის მუზეუმისთვის ჯერჯერობით არაფერი იცვლება და დამთავრებული დავა, ავარიული შენობაში მასპინძლობს – აქვეა განთავსებული მისი საცავი.

კულტურის სამინისტრო, როგორც ცალკე უწყება, ახლანდელი შეიქმნა, მანამდე ის განათლებისა და მეცნიერების სამინისტროს შემადგენლობაში შედიოდა. იმის მიუხედავად, რომ მინისტრი თეა წულუკიანი უფლებამოსილების შესრულებას 2021 წლის მარტიდან შეუდგა, ქვეყანას 2012 წლიდან ის პოლიტიკური ძალა მართავს, რომელსაც მინისტრი წულუკიანი წარმოადგენს და ამ წლების განმავლობაში მცირედითაც კი არ გაუმჯობესებულა იმ დაწესებულებების შენობების მდგომარეობა, რომელთაც მინისტრი ახლა სტუმრობს. 2012 წლიდან ამ დრომდე, კულტურის სამინისტრომ არაერთი ისეთი ძვირადღირებული პროექტი დააფინანსა, რომელთა ნაცვლად მუზეუმების შენობების განახლება შესაძლოა უფრო შედეგიანი ყოფილიყო.

- 2017 წელს ინდოეთიდან საქართველოში ჩამოიტანეს და 6 თვის განმავლობაში ქვეყნის სხვადასხვა რეგიონში ატარეს ქეთევან ნაშტების წმინდა ნაწილები – ამ პროცესს კულტურის და საგარეო საქმეთა სამინისტროები მართავდნენ და ქვეყნის ბიუჯეტს 343 000 ლარი დაუჯდა.
- 2019 წელს ღვთისმშობლის ნიღბდომილობის დღესასწაულის აღსანიშნავად მთავრობამ ბიუჯეტიდან 800 000 ლარზე მეტი დახარჯა.
- მხოლოდ 2019 წელს ბიძინა ივანიშვილის მიერ აშენებულ და შემდეგ სახელმწიფოსთვის ნაწუქარ „ბლექ სი არენაზე“ ჩატარებული 8 კონცერტის ორგანიზებაში განათლების, მეცნიერების, კულტურისა და სპორტის სამინისტრომ 4,5 მილიონ ლარზე მეტი დახარჯა...

კომენტარი ჯამბუტია! ნასტასია არაბული რაფიო თაბოსუშვა

## სანთელი

# გახსენება

## თეიმურაზ კვეციანი



ერთი წელია, რაც ჩვენს შორის აღარ არის თეიმურაზ კვეციანი. დრომ სწრაფად გაიარა და ვერ გაგვინელა მისი წასვლით გამოწვეული ტკივილი. დაგვრჩა მხოლოდ მოგონებები ღირსეულ კაცზე, გულსხმიანი ექიმზე, ერთგულ მეგობარზე, პატიოსან მოქალაქესა და შესანიშნავი ოჯახის პატრონზე.

იგი 1943 წელს დაიბადა პროფ. ივანე კვეციანისა და მარიამ გამილაღიშვილის ოჯახში. 1967 წელს დაამთავრა ქ. თბილისის სახელმწიფო სამედიცინო ინსტიტუტი. 1969 წელს ჩააბარა ასპირანტურაში, დაიცვა დისერტაცია ონკოგინეკოლოგიაში და მიენიჭა მედიცინის მეცნიერებათა კანდიდატის სამეცნიერო ხარისხი. ასპირანტურის დამთავრების შემდეგ მუშაობდა დაიწყო ონკოლოგიის სამეცნიერო ცენტრში. ამასთან, იგი იყო სპორტსმენი, ხელბურთელი, და თავის დროზე საქართველოს ლეგენდარულ ნაკრებშიც თამაშობდა.

1971-1981 წლებში თეიმურაზ კვეციანი სამედიცინო საქმიანობას ეწეოდა ალჟირში. 1985 წელს მუშაობდა დაიწყო მსოფლიო ჯანდაცვის ორგანიზაციაში და ხანგრძლივი სამუშაო მივლინებით იყოფებოდა შვეიცარიაში, სამხრეთ კორეაში და ინდოეთში.

საქართველოში დაბრუნების შემდეგ მოღვაწეობდა განაგრძო თბილისის ონკოლოგიის სამეცნიერო ინსტიტუტში. იყო მრავალი, მეტად აქტიური ნაშრომის ავტორი, მაღალპროფესიონალმა ექიმმა ბევრი ადამიანი იხსნა სიკვდილისაგან და პაციენტისადმი გულთბილი დამოკიდებულებით მათი სიცოცხლე იცავდა. იგი იყო შესანიშნავი მეოჯახო, მოსიყვარულე მეუღლე და მამა. თ. კვეციანისადმი ჩვენი სიყვარული ეფუძნებოდა მის გამორჩეულ პიროვნულ თვისებებს, არაჩვეულებრივ ადამიანურ ხიბლს, მის კეთილშობილ ბუნებასა და ნიჭს.

ძნელია, შევგუო ასეთი ადამიანის დაკარგვას, მაგრამ სანუგეშოდ გვჩვენებს ის, რომ თეიმურაზ კვეციანის ნათელი ხსოვნა მარად დარჩება მისი ოჯახის, ახლობლების, მეგობრების, კოლეგებისა და მადლიერი პაციენტების გულში.

მეგობრები



მეგობრები და ახლობლები მწუხარებით იუწყებიან, რომ გარდაიცვალა ცნობილი ქართული ოჯახის ღირსეული წარმომადგენელი და ყველასთვის გვერდში მდგომი ადამიანი

## დავით ბარქანიშვილი

ჯემალ ჭკუასალი, გურამ სალარაძე, თბარ ოსაყვაშვილი, ჯემალ კალანდიაძე, არჩილ გოგაია, ლევან ჯიბუტი, ზარიფონ სულაბერიძე, თენგიზ უთმალიძე, თამაზ კიკაელი, იური ოსიპოვი, ალიკ ოლღიშვილი, გუბა იოსელიანი.

გურამ სალარაძე ოჯახით იუწყება, რომ გარდაცვალა სიყრმის მეგობარი

## დავით ბარქანიშვილი

და თანაურძნობს განსვენებულის მეუღლეს, შვილებსა და შვილიშვილებს.

## სანთელი

# იოსებ (სოსო) სვანიძის

გარდაცვალების გამო და უსამძიმრებენ ოჯახს, მთელ სანათესაოსა და სამეგობროს.



## „პოინის“ ახალი ბაზრჯივები

მშობლები გრანდიოზული მუსიკალური შოუს, „ვოისის“ გამარჯვებული სტეფანეს გუნდის წარმომადგენელი მაგდა ივანიშვილი გახდა. გამარჯვებული საქართველოს პირველი არხის მაცურებელმა გამოაქვინა. სულ შემოვიდა 1 039 760 ხმა. მამბა ივანიშვილმა მაცურებელთა ხმების 25,39 პროცენტი მიიღო. გამარჯვებულს შოუ „ვოისის“ ვიდეო და 20 ათასი ლარი ერგო.

საქართველოს პირველი არხის შოუ „ვოისის“ მწვრთნელები არიან: ქართველი ფოლკ როკის ლეგენდა – ნიაზ დიასამიძე, ახალგაზრდა ნიჭიერი მუსიკოსი – სალიო, სტეფანე – პომ სენსაცია, რომელიც საქართველოს საზღვრებს გასცდა, ვირტუოზი მუსიკოსი, კომპოზიტორი, პიანისტი და დირიჟორი – ნიკოლოზ რაჭველი.

## აუსილველია სხელობის ხელოვნების რეჟისორი

საბრძოლველ კულტურის, სპორტისა და ახალგაზრდობის მინისტრი თვა ნულუკიანი ოთარ თაქთაქიშვილის სახელობის №19 ხელოვნების სკოლას ეწვია, სკოლის ხელმძღვანელებთან შეხვედრა გამართა და სკოლის ალსაზრდელების მიერ დადგმულ მუსიკალურ წარმოდგენას დაესწრო.

სკოლის დირექტორის თამაზ მოლაშვილისა და სხვა ხელმძღვანელებისგან მინისტრმა სკოლის წარმატებებისა და მისი გამოწვევების შესახებ მიიღო ინფორმაცია, მადლობა გადაუხადა თბილისის მერიას ხელოვნების ხელშეწყობისათვის და აღნიშნა, რომ აუცილებელია სახელოვნებო განათლების რეფორმა, რაც მუნიციპალიტეტებთან კოორდინაციაში უნდა განხორციელდეს.

შეხვედრაზე აღინიშნა, რომ ოთარ თაქთაქიშვილის სახელობის ხელოვნების სკოლას უყავს ჩასაბერი საკრავების ყველაზე დიდი და მრავალფეროვანი ბავშვთა ორკესტრი საქართველოში, ასევე გოგონათა ერთადერთი სასულე ორკესტრი. თვა ნულუკიანმა სკოლის ალსაზრდელებსა და ხელმძღვანელებს მადლობა გადაუხადა და უღალავი შრომისათვის და სრული მხარდაჭერა აღუთქვა. მინისტრმა სკოლის ალსაზრდელებს მათი საქმიანობის პოპულარიზაციის ხელშეწყობის მიზნით შესთავაზა საქართველოს კულტურის, სპორტისა და ახალგაზრდობის სამინისტროს სააქტო დარბაზში ღონისძიების გამართვა, რომელზეც სამინისტრო მიიწვევს აღმასრულებელი და საკანონმდებლო ხელისუფლების წარმომადგენლებს და პროფესიულ ანსამბლებს, რომლებსაც კადრების სერიოზული დეველოპმენტი აქვთ. მსგავსი ღონისძიებები კი ანსამბლების ხელმძღვანელებს ნიჭიერი ახალგაზრდების აღმოჩენაში დაეხმარება.



## ყოველგვარი რაკლამა გახეთქს ჰაერივით სჭირდება!

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 102 წლის ყოველდღიური გამოცემის აღორძინებას.  
ჩვენი ანგარიში: №GE19TB760153602010009.  
(შპს „ახალი საუკუნე“ – გაზეთ „საქართველოს რესპუბლიკის“ გამომცემელი).



უსსრული ვაჭარის ქარხნები:  
აუზი ფორტი - 3.4186; პარკი - 4.1392;  
ბრიტანული პირამიდა სტარლინი - 4.8110;  
100 კაპოლი - 4.6170; თერაპიული ლიბა - 0.4052;  
არკარამიანული მანათი - 2.0072;  
1000 სომხური ღარი - 6.5420.

## ჰიასოს „ქალი ფანჯარასთან“ გაიყიდა

ნეო-იორკში Christie's-ის აუქციონზე პაბლო პიკასოს ნახატი „ქალი ფანჯარასთან (მარია ტერეზა)“ 103 მილიონ დოლარად გაიყიდა.


პაბლო პიკასოს ნახატი აუქციონის დაწყებიდან 19 წუთში გაიყიდა და საბოლოოდ ფასმა 90 მილიონი დოლარი შეადგინა, თუმცა ყველა დამატებითი გადახდის გათვალისწინებით, მყიდველს 103.41 მილიონი დოლარის გადახდა მოუწევს. აღსანიშნავია, რომ აუქციონის დაწყებამდე ექსპერტებმა აღნიშნული ნახატის ღირებულება 55 მილიონ დოლარად შეაფასეს.



## 2021 წლის მოღვაწეები

მსაპრეტამო ყავისფერი 2021 წლის ყველაზე მოდურ ფერად დაასახელეს. მოდის სახლ Gucci-ის მანქანებმა მისის ჩვენებაზე Ouverture-ის ხაზი კარამელისფერსა და ქვიშისფერში გადაწყვეტილი მოდელები წარმოადგინეს, ტანსაცმელს ყავისფერი ტონებიც ჰქონდა.

ანალოგიურ შეფერილობაზე გააკეთეს აქცენტი Louis Vuitton-ისა და Fendi-ის ბრენდებზე საკუთარ კოლექციებში. ამასთან, გამოცემის ცნობით, ბევრი ცნობილი ადამიანი ყავისფერ ტანსაცმელსა და აქსესუარებზე აკეთებს არჩევანს. მაგალითად კიმ კარდაშიანი რეკლამაში ყავისფერი შეფერილობის ზამშის შარვალში გამოჩნდა.



## უხუცესა დიჯაი დასვენება გადამწყობა


ჰონკ-ჰონკში 96 წლის დიჯაი-მ რეი კორდერიო თავისი უკანასკნელი რადიო გადაცემა ჩაატარა და პენსიაზე გავიდა.

კორდერიო რადიომაცუცებლობაში 72 წელი მუშაობდა. 2000 წელს ის გინესის რეკორდების წიგნში მოხვდა როგორც ყველაზე ხანგრძლივი კარიერის მქონე რადიომაცემანი. ბოლო ეთერის დროს მან მსმენელებს მადლობა გადაუხადა.

## შეამნს ლეონარდო „ტიტანიკის“ ასლი

პროექტის მთავარი სპონსორი ინვესტორი სუ შაოცზიუანია, რომელსაც ლეონარდო ლანინერის აგების სურვილი 1997 წელს ფილმ „ტიტანიკის“ ნახვის შემდეგ გაუჩნდა.

„ტიტანიკის“ ასლის შესაქმნელად კონსტრუქტორებს 3 წელზე მეტი დასაჭირდათ, ორიგინალის ასლი ერთ მილიარდ იუანადაა (4153.5 მილიონი) შეფასებული. ლანინერი ორიგინალის ზუსტი ასლია. ახალი ლანინერი ხმელეთზე, სიჩუანის პროვინციის თემატურ პარკში განთავსდება. ამასთან ტურისტები 5-ვარსკვლავიან ლანინერზე ღამის გატარებას შეძლებენ. ერთი ღამის გასატარებლად მათ 2 000 იუანის (4150) გადასხდა მოუწევთ.  
„იმედი მაქვს, რომ ეს ლანინერი ამ ადგილას 100 ან 200 წლის შემდეგაც იდგება“ – აცხადებს პროექტის სპონსორი.



## ყველაზე უხეური სტადიონი

სლოვაკეთში, ჩიერნი ბალოგის დაბაში, მსოფლიოში ერთ-ერთი ყველაზე უცნაური სტადიონი მდებარეობს, რომლის მოედანსა და ტრიბუნას შორის მატარებლის ლინდებები გადის.

რკინიგზა ჩიერნი ბალოგში მე-20 საუკუნის დასაწყისში გაიყვანეს და ის ძირითადად ხეტყის გადასატანად გამოიყენებოდა. 1982 წელს რკინიგზა გაჩერდა, სამ წელიწადში კი მის გვერდით ადგილობრივი კლუბის „ტატრან ჩიერნი ბალოგის“ სტადიონი აშენდა, ისე რომ ლინდებები ტრიბუნასა და მოედანს შორის მოექცა. 10 წლის შემდეგ რკინიგზა ისევ ამოქმედდა, მატჩები კი სტადიონზე კვლავ იმართება და, რაც ყველაზე საინტერესოა, ზოგჯერ მატარებელი უშუალოდ მატჩის დროს დადის და ეს მატჩების გამართვას ხელს საერთოდ არ უშლის.



### საქართველოს რესპუბლიკა

## SAKARTVELOS REPUBLIKA

მთავარი რედაქტორი  
საბრტაპ მოგულია  
599 36-00-35

პასუხისმგებელი რედაქტორები:  
გურამ გომიაშვილი  
599 53-76-16;  
ალექს  
ასლანიშვილი  
599 56-81-86;

პასუხისმგებელი მდივანი  
მამუკა ვაშაქიძე  
514 33-33-24

გამომცემლობა:  
შპს „ახალი საუკუნე“ –  
გაზეთ „საქართველოს  
რესპუბლიკის“ გამომცემელი“  
599 53-76-16; 599 36-00-35

შპს „თანამშრომლობა“-გაზეთ  
„საქართველოს რესპუბლიკის“  
გამომცემელი“  
ტ: 599 79-76-79

იბეჭდება სტამბა  
„კოლონი“  
ე. ბალდავადის №3

### კოლონი ჰაუზი

uac(უაკ)070.4(479.22)  
ს-323

2 009882 616932

### ავტორთა საბურაღლეო!

რედაქციის მიერ  
შუამავთავი მასალა  
დანიშნულია  
ავტორთა ხარჯით.  
ავტორთა მოსაზრება-  
ვი, შესაძლოა, გუდავ  
არ ემთხვეოდეს  
რედაქციის პოზიციას.  
ფაქტების  
სიზუსტეზე პასუხს  
ავტორთა ავტორები.

## გაზეთის მომდევნო ნომერი გამოვა ოთხშაბათს, 19 მაისს

	<b>უსსრული ვაჭარის ქარხნები:</b> აუზი ფორტი - 3.4186; პარკი - 4.1392; ბრიტანული პირამიდა სტარლინი - 4.8110; 100 კაპოლი - 4.6170; თერაპიული ლიბა - 0.4052; არკარამიანული მანათი - 2.0072; 1000 სომხური ღარი - 6.5420.	<b>აქციები 17 მაისსთვის</b> აქციონარული საქართველო: ბარა - ლაშქ +12, ლაშქ +33 ფონდების რეკონსტრუქცია - ლაშქ +8, ლაშქ +31 დასავლეთი საქართველო: ბარა - ლაშქ +12, ლაშქ +28 ფონდების რეკონსტრუქცია - ლაშქ +10, ლაშქ +31 თავისთავი - ლაშქ +15, ლაშქ +31	<b>დაგვიკავშირეთ, მოგვწერათ:</b> ტელ: 296-72-86, 599-79-76-79, 568-82-09-84 ელ. ფოსტა: sakresp@mail.ru და sakresp@top.ge ვებ-გვერდი: www.sakresp.ge
--	---	--	---